

## **Magnum Bullarium Romanum, Seu Ejusdem Continuatio**

Quæ Supplementi loco sit, tum huicce, tum aliis quæ præcesserunt  
Editionibus, Romanæ, & Lugdunensi ...

Constitutiones Variorum Pontificum in præcedentibus Editionibus  
desideratas, summoque studio hinc inde conquisitas complectens

**Luxemburgi, 1741**

14. Deum time &c. Bulla quâ suamm in temporalibus, & spiritualibus  
potestatem Francorum Regi denunciat, brevis nimium, quæ vix creditur à  
Pontifice sine ulla honoris præstatione ad Regem miss in re ...

---

[urn:nbn:de:hbz:466:1-74452](#)

A N N O  
1303.

ter, non veritus excommunicationis sententiam, quam post Columniensium fugam de Tibure provulgavimus publicè quibusunque privilegiis non obstantibus, in omnes etiam Imperiali aut regali præfulgeant dignitate, qui dictum Stephanum ac alios quondam filios Johannis de Columna & Jacobum fratrem dicti Joannis Ricardum & Petrum de Monte Vig. dicti Jacobi nepotes recipenter conducerent, receptati, vel recipi facerent seu conduci aut iis vel ipsorum alicui publicè vel occulte auxilium, favorem vel consilium exhiberent; quodque contra adjutores, fautores & receptores prædictorum Jacobi & filiorum dicti Joannis ab olim per nostras literas procedi mandavimus, ut contra haereticos, receptatores, fautores, & adjutores eorum. Nequaquam in his servit Deo Rex Francorum in timore, aut ei cum tremore exultat, ne iratus in eum per suum vicarium exardecscat; nempe tandem offendit gravius, quando pernicioſius peccat, sive perditionis ad alios exempla transmittens.

Heu ipsum consilia prava commaculant eum Syrenes, nec non usque in exitum dulces damnoſe permulcent, periculose regalem mentem exagitant & decipiunt incessanter. Non enim propter eas liberate ipsum possumus, nec debemus. Hominem namque primum non à peccato diaboli excusavit suggestio, quin divini mandati transgressor solverit penam mortis; & silentium nostrum nihil aliud foret quam delinquendi occasio & dissolutio universæ Ecclesiastice disciplinae. Cum enim notorium etiam facti continui sit, quod ipso faciente, & contra dictam nostram veniente sententiam, libertas non est per regnum ipsius veniendo ad Apostolicam sedem, & quod si dictus Nicolaus est capius, & præfatus Stephanus receptatur in Regno, nostræque sententiae supra dictæ lata firmatae sint, & prædicante publicè, sic quod canonum excommunicationis in aperto liquet ex præmissis ut taceamus ad præsens de custodia jam dicto Cardinali imposta, detentione Abbatis, captione Religiosorum dictorum & temerarii actionibus in jam dictos commissis ipsum eundem regem manifestis excommunicationibus esse ligatum, & per consequens beneficia Ecclesiastica, personatus & dignitates, si eorum aliquo legitimo titulo quandoque ad eum collatio pertinet de jure, interim non posse conferre, imperium sive jurisdictionem aliquam per se vel alios aut communies actus seu legitimis exercere, & collationem, & exercitium ipsum nullius existere dignitatis, ac vasallos ipsum esse à fidelitate, & etiam juramentis quibus astringuntur eidem, & hujusmodi debito totius obsequii auctoritate canonum absolutes; hoc omnibus, his præcipue, qui de eius sunt Regno vel in eo moram faciunt nuntiantes eum excommunicatum comitari poenas hujusmodi declaramus: & more petiti medici, cum non profuerint monita, à levioribus incipientes, ac sanctorum patrum nostrorum statuta tenentes, omnes fideles vasallos ejus ei que juratos à fidelitate & juramentis, quoque idem Rex in excommunicatione permanserit apostolica nihilominus auctoritate absolvimus, & ne eidem fidelitatem obseruent, vel servent, modis omnibus eo sub interminatione anathematis, quia magis Deo quam hominibus servire oportet, & fidelitatem Christiano Principi Deo adversanti ejusque præcepta calcant nulli cohibentur auctoritate persolvere, prohibemus.

Et quin Rex ipse aliquos forsitan inveniret, qui beneficia hujusmodi Dei timore postposito ab ipso reciperent, districte præcipimus sub excommunicationis, amissionis beneficiorum, quæ alias habent & inhabilitatis perpetuae ad Ecclesiastica beneficia de cætero obtainenda poena quam ipso facto incurant, si contrarium agant, ne ab eo sic excommunicato manente, illa recipient quoquo modo: districte sub hujusmodi à nobis infligendis poenis inhabentes capitulis Ecclesiastum in quibus beneficia ipsa per regem, excommunicatione durante, conferruntur eundem, nec eos, quibus conceduntur ab ipso recipient vel admittant. Porro cum scriptum sit dissolve colligationes impie-tatis, solve fasciculos deprimentes; confederations prædictas etiam cum quibusvis terræ Regibus aut Principibus quod non credimus, initias dissolvimus, & juramenta, si qua sunt prædicta annullamus: etiam finniantes ipsi Regi ut à facie arcus fugiat, resipiscat, ad obedientiam redeat, & ad Dominum convertatur, ne quod præterire non valebimus, justo in eum iudicio animadvertere compellamus.

Ut autem hujusmodi noſter processus quem de Concilio fratrum nostrorum facimus ad omnium notitiam deducatur, chartas five membranas processum continentis eundem, in Cathedrali Ecclesia Anagnina vel affigi ostiis seu superliminibus faciemus, quæ processum nostrum, suo quasi seno præconio & patulo indicio publicabunt ita, quod idem Rex & alii quos processus ipse contingit, nullam possint excusationem prætendere quod ad eos talis processus non pervenerit, vel quod ignoraverint eundem, cum non sit verisimile remanere quod ipsos incognitum vel occultum quod tam patenter omnibus publicatur. Atum Anagnæ in aula nostri palatii VI. Id. Septemb. Pontificatus nostri anno IX.

XIV.  
Ex cod. Bullo histor. univ. Parif. Tom. 4. p. 7

Bulla quæ sicut in temporalibus, & spiritualibus potestatem Francorum Regi denunciatur brevis nimium, que vix creditur à Pontifice sine ullâ honoris præfatione ad Regem missa in re tanti momenti, sed è prolixiori quâdam, quam post breviorem damus excerptam jure suscipiatur Bullæ in histor. univers. Parisiensi, qui utrasque refert unâ cum Regis responso ad Bonifacium: anno 1303.

BONIFACIUS EPISCOPUS,  
Servus Servorum Dei Philippo Francorum  
Regi.

Dum time & mandata ejus observa. Scire te volumus, quod in spiritualibus & temporalibus nobis subes. Beneficiorum & Præbendarum ad te collatio nulla spectat; Et si aliquorum vacantium custodiā habeas, fructus eorum Successoribus reserves; & si quæ contulisti, collationem hujusmodi irritam decrevimus, & quantum de facto processerit, revocamus. Aliud autem credentes haereticos reputamus. Datum Lateani non. Decembri Pontificatus nostri anno 7.

Constat hanc Bullam datam à Pontifice postquam intellexit quod à Rege fuisset in carcerem missus Apamensis Episcopus, qui Regi insolentius quam decuisset ausus fuerat dicere ipsum tam in spiritualibus quam in temporalibus Papæ subesse, fructusque Præbendarum & Beneficiorum vacantium non posse retinere. Eam autem Bullam ex hac majori fuisse à nonnullis extractam, & in compendium missam jure suspicari possumus.

BONIFA-

ANNO BONIFACIUS EPISCOPUS,  
1303.

Servus Servorum Dei charissimo in Christo  
filio Regi Francorum illustri salutem, &  
Apostolicam benedictionem.

A uscita, fili carissime, præcepta patris, & ad doctrinam magistri, qui gerit illius vices in terris, qui solus est magister & Dominus aures tui cordis inclina, viscerosæ sanctæ matris Ecclesiæ ammonitionem libenter excipe & cuia efficaciter adimplere, ut in corde contrito ad Deum reverenter redeas, à quo per desidiam vel depravatus conflio nocte-ris recessisse, ac ejus & nostris bene placitis te devote conformes. Ad te igitur sermo noster dirigitur, tibi paternus amor exprimitur & dulcia matris verba exponuntur. Campum hquidem militiae humanae mortalitatis ingressus, renatus faci Fontes Baptismatis renuncians diabolo & pompis ejus, non quasi hospes & advena, sed jam domesticus fidei & civis sanctorum effectus ovile Dominicum intraclusi collectaturus non solum contra carnem & sanguinem, sed etiam contra aeras potestates mundique rectores præsentium tenebrarum. Si veri Noe es arcum ingressus, extra quam nemo salvatur, Catholicam scilicet Ecclesiam, veram columbam, immaculatam unici Christi sponsam, in qua Christi Vicarius, Petrique successor primatum noscitur obtinere, qui si collatis clavibus Regni celorum judex à Deo vivorum & mortuorum constitutus agnoscitur ad quem sedatem in folio Judicii dissipare pertinet suo intuitu omne malum, hujus profecto sponse quas de Cœlo descendit à Deo parata sicut sponsa ornata viro suo, Romanus Pontifex caput existit, nec habet plura capita monstruosa, cum sit sine macula, sine ruga, nec habens aliquid in honestum. Sanè fili, cur ista dixerimus imminentे necessitate ac urgente conscienti expressius aperimus. Constituit enim Deus licet insufficientibus meritis super Reges & Regna, imposito nobis iugulo Apostolicae servitutis ad evelendum, destruendum, disperendum, dissipandum, ædificandum atque plantandum sub ejus nomine & doctrina, & ut gregem pacentes Dominum consolidemus infirma, sanemus ægrotam, alligemus fractam, & reducamus abjectam, vi-nunquam infundamus & oleum vulneribus fauciatis.

Quare, fili carissime nemo tibi suadet, quod superiorum non habes, & non sublis summo Hierarchia Ecclesiastice Hierarchæ. Nam despici, qui sic sapit, & perimaciter hæc affirms convincitur infidelis, nec est intra boni pastoris ovile; & licet de singulis Regibus & Principibus sub fide militantibus Christiana pro eorum salute solicite cogitemus, erga te tamen officii nostri debitum eo amplius, eoque carius & attentius dirige debemus & exequi, quod majori personam tuam paterna & materna charitate amplectimur, & non solum te, sed & progenitores, domum & Regnum tua in diversis noltis statibus plena & pura sumus benevolentia prosecuti. Nec possumus cum non debeamus præterire silentio, quin ea per quæ oculos divinæ majestatis offendis, nos perturbas, gravas subditos, Ecclesiæ & Ecclesiasticæ, secularesve personas opprimis & affligis, nec non Pares, Comites & Barones, aliosque nobiles & universitates, ac populum dicti Regni, multosque diversis angustiis scandalizas, tibi apertius exprimamus.

ANNO  
1303.

ANNO  
1303.

pellis. Et quod tacere nolumus Lugdunensem Ecclesiam tam nobilem, tam famosam, tam charam, in predictae sedis pectore constitutam, quæ in spiritualibus & temporalibus haec tenus restabat, tu, & tui injuriosis gravaminibus & excessibus, ad tantam inopiam & oppressionis angustiam deduxisti, quod vix adjicere poterit ut refugat, quam constat non esse infra limites Regni tui, nosque qui quandoque Canonicus fuimus in eadem Ecclesia, ejusque libertatum privilegiorum & iurium notitiam plenam habemus non revocamus in dubium, quod injurioso nimis tractas eandem. Vacantium Regni tui Ecclesiasticalium Cathedralium redditus & proventus, quos tui, & tu appellas Regalia per abusum, tu & ipsi tui non moderate percipitis, sed immoderate consumitis. Sic sit ut quorum custodia fuit ab initio Regibus pro conservacione commissa, nunc ad consumptionis noxam discriminosè deveniant, & discriminosis abusibus exponantur. Quod enim custodiendum est, rapitur, & quod conservandum, illicitè devoratur, & custodes sunt lupi rapaces effetti, & sub praetextu custodiae status Ecclesiasticalium & personarum Ecclesiastiarum dispensatio prefert, damna sustinet, & miserabilis fortuitus eventus, primaria conservationis ipse utique defraudatur.

Et quidem Praepati & Ecclesiasticae personæ, nedum ii quos Regni tui continent incolatus, sed per illud alienigeni etiam transeuntes bona propria mobilia de Regno ipso nequaquam extrahere permituntur, ex quo diversa patientur incommoda, ii qui super hoc libero uti debent arbitrio, servitutis quasi jugo premuntur. Sicut de mutatione moneta aliisque gravaminibus & injuriosis processibus per te ac tuos magnis ac parvis Regni ejusdem incolis interrogatis & habitis contra eos qui processu temporis explicari poterunt, taceamus ad præfens, qualiter in præmissis & aliis libertas Ecclesiastica & immunitas tuis sunt enervatae temporibus, qualiter tua sacris & piis, providis & maturis progenitorum tuorum vestigiis, quæ per universa mundi clima ta mittebant illustrissimos radios claritatem, degenerare noscaris. Nempe, multorum ad nos insinuatio clamosa perducit, ac nedum in Regno ipso, sed in diversis mundi partibus innotescit, & Ecclesia diu Regni, quæ solebant haec tenus libertatibus & quiete vigere, nunc factæ sunt sub tributo, sicut luctuosus clamor eorum sub intolerabili persecutione testatur.

Nec ignoras quod super iis & consimilibus de te ad Deum, nec non ad te sapienti, nedum sepe clamavimus & exaltavimus vocem nostram, annunciativimus sceleris, delicta deteximus sperantes te ad poenitentiam salubriter revocare & adeo desudavimus inclamando, quod rauæ factæ sunt fauces nostræ; sed tu velut aspis surda obturasti aures tuas, & nostra salubria monita non audisti, nec receperisti ea velut medicamenta curantis. Verum licet ex præmissis contra te sumere arma, pharetram atque arcum non indignè nec injuste possemus, ut te à tanto revocaremus invio ad semitam reducendo salutis; adhuc nihilominus dum felicitate metuas, hæc tibi præsignificare decrevimus, ut saniori ductus confilio à facie arcus inflexibilis sententiae potius, immo prorsus effugias, quæ expentes debita judgmentum ultionis, cum turius dignoscantur ante casum occurrere, quæ remedium querere post ruinam.

Cum autem nos debitum Pastoralis officii urget & publica utilitas interficit, ut qui nunc Deum timent nec deserunt Ecclesiæ, neque Censuram Canonum reverentur, & quasi descendentes in profundum malorum descendunt, quamvis eis displicant, ad salutem etiam trahamus invitatos.

Nos volentes ne ex dissimulatione tam longa nos tua culpa reddat obnoxios, ne si nos, vel te quod absit incorruptum Deus de hac vita subtraheret, anima tua de nostris manibus requiratur, neque tui custodia quam suspicimus in commissu nobis officio Apostolicæ servitutis in nostrum cedat periculum & discrimen ac perditionem multorum dissimulando talia & diutius tolerando ea; amore paterno commoti, qui omnem vincit affectum ex affluentia maternæ sollicitudinis excitati ad providendum, ne perdat Deus cum impio animam tuam, neve tua & tam amati Regni claritas malis artibus & detestandis insolentis denigretur, deliberatione cum fratribus nostris super hoc habita pleniori, venerabiles fratres nostros Archiepiscopos ac devotos filios Electos & Cisterciens. Cluniacens. Praemonstratensis nec non sancti Dionysii in Francia Parisiensis Dicccels & majoris Monasteriorum Abbates & Capitula Ecclesiasticalium Cathedralium Regni tui ac Magistros in Theologia, & in Jure Canonico & Civili, & nonnullas alia personas Ecclesiasticas oriundas de Regno praedito, per alias nostras patentes litteras, certo modo ad nostram præsentiam evocamus, mandantes eisdem quod in Calendis Novembribus futuri proxime, quas eis pro preemptionio termino assignamus, nostro conspectu reppresentent, ut apud te ac alios sublata repentina exceptione Consilii, quinimo matuori cautela servata & frustratoris objectibus amputatis super præmissis & aliis deliberatè consulamus eosdem, cum quibus sicut cum personis apud te suspicione parentibus, quin potius acceptis & gratis, ac diligentibus nomen tuum, & affectantibus statum prosperi Regni tui, tractare consultius & ordinare salubrissimum valeamus, quæ ad præmissorum emendationem, quam directionem, quietem atque salutem ac bonum & prosperum regimen ipsius Regni videbimus expedire.

Si tuam itaque rem agi putaveris eodem tempore per te vel per fidèles viros & providos tuæ conscientis voluntatis ac diligenter instructos de quibus plenè valeas habere fiduciam, iis poteris interesse, alioquin tuam vel ipsorum absentiam divina replente præfencia in præmissis ac ea contingentibus, ac aliis propter nobis superna ministrauerit gratia, & expedire videbitur, procedimus.

Tu autem audies, quid loquetur in nobis Dominus Deus noster, in quibus tamen sine offensa Dei, scandalo & periculo Ecclesiæ, offensione justitiae ac utilitatis publicæ laetione & honoris tui poterimus minorationis vitare dispendia, deferre tibi disponimus, & tui etiam culminis salubria commoda promovere, si te corixeris, & habilitaveris ad gratiam prometerendam. Cæterum licet super præmissis & similibus ad excusandas excusationes in peccatis te aliqui excusare nitantur, non tamen ea tibi, quantum & tuis pravis Consiliariis imputando, in hoc tamen tu inexcusabilis comprobaris, quod tales Consiliarios honoris tui utique destructores tuæque salutis & famæ

ANNO  
1303.

falso

ANNO 1303. falsos & impios consumptores assimus & reti-  
nes, eisque regium præbes assensum qui ad  
tam enormia & detestabilia te inducunt.

Hi sunt quasi falsi prophete suadentes tibi  
falsa & stulta, quia non viderunt à Dominu  
visionem. Ergo fraudulentis detractionibus &  
subversionibus talium sub adulatio[n]is & falsi  
confusione utique velamento confitit, minimè  
quæsumus, acquiescamus, quia in vastitate  
quadam hostili devorant incolas Regni tui,  
& non tibi, sed eis mellificarunt apes, illi  
sunt securiora illa hostilia per quæ ministri  
Bel sacrificia quæ superponebantur à Rege  
clancul asportabant, ii sunt qui sub umbra  
tui longa manu, tua & aliorum bona diri-  
piunt, & sub obtentu justitia palliat. Subditos  
opprimunt, Ecclesiæ gravant, & reddi-  
tus alienos violenter invadunt, pupillo &  
viduæ non intendunt, sed impinguntur la-  
chrymis pauperum & dixitum oppressione,  
discordias suscitant ac fovent, gueras nu-  
trient, ac pacem de Regno tollere pravis  
operationibus non verentur. Veruntamen ca-  
dit in hæc illa prava dissimulatio Judæorum,  
qui dum linguis crucifigentes Dominum, di-  
centes tamen eis non licere interficere quen-  
quam, tradebant eum occidendum militibus,  
ut ab eis culpa in alios transferretur. Tan-  
tam namque prudentiam Deus tibi ministrat  
ex alto, tantam vides & audis in aliis quo-  
rum potes exemplo doceri, torque tibi me-  
rinimus salubria consilia destinasse, quod si  
tua studia convertere solerter ad bonum ta-  
lium te curares consiliorum juvamine com-  
munire, qui te in stultum finem nequaquam  
impingerent, sed ad incrementa salutis & utili-  
tatis publicæ prudentius animarent. sed ti-  
memus, ne apud te, cuius interiores oculi  
putantur illicitis excæcatis vilescat Sermo Do-  
minicus, & verba ædificativa vitæ producti-  
va salutis, amoris defectui adscribantur. Ad  
hæc ne terræ sanctæ negotium, quod nostris  
& tuis ac aliorum fidelium debet arctius insi-  
dere præcordiis nos putes oblivioni dedisse,  
memorare filii & discute, quod primogenito-  
res tui Christianissimi Principes quorum de-  
bes laudanda vestigia solerti studio & claris  
operibus imitari, exposuerunt olim personas  
& bona in subsidium dista Terræ, sed Sar-  
racenorum invalecente perfidia & Christiano-  
rum, ac maximè tua & aliorum Regum &  
Principum devotione solita tepescente, terra  
eadem tuis utique temporibus heu perdita no-  
scitur atque prostrata.

Quis itaque Canticum Domini cantat in  
ea, quis affligit in ejus subsidium & recu-  
perationis opportunæ juvamen adversus im-  
pios Sarracenos magnificantes & operantes  
iniquitatem debacchantes in illa? Ad ejus  
quippe succursum arma bellica periisse viden-  
tur, & abjecti sunt clypei fortium, qui con-  
tra hostes Fidei dimicare solebant. Enses &  
gladii evaginantur in Domesticos Fidei, &  
sæviunt in effusionem sanguinis Christi, &  
nisi à populo Dei domesticæ insolentie succi-  
dantur, & pax ei perveniat salutaris, terra  
illa fædata actibus malignorum à periculo  
desolationis & miseræ per ejusdem populi  
ministerium non resurget. Si hæc & similia  
iis benevolâ mente revolvas invenies, quod  
obscuratum est aurum & color optimus est  
mutatus.

An non ignominia & confusio magna tibi  
& aliis Regibus & Principibus Christianis

adesse dignoscitur, quod versa est ad alienos he-  
reditas Jesu Christi & sepulchrum ipsius ad  
alienos devolutum; Qualem ergo retributio-  
nis gratiam merebuntur apud Deam Reges &  
Principes, & cæteri Christiani, in quibus  
terra quærit respirare prædicta, si non est,  
qui sustentent eam ex omnibus filiis quos  
Deus ipse genuit, nec est qui supponat ma-  
num, ex omnibus quos nutriti. Clamat enim  
ad Dei filios civitas Hierusalem & suas ex-  
ponit angustias, & in remedium doloris ejus  
filiorum Dei implorat affectus. Si ergo filius  
Dei es, dolores ejus excipias, tristare & dole  
cum ipsa, si diligis bonum ejus. Tartari  
quidem, Pagani & alii infideles eidem terra  
succurrunt, & ei non subveniunt in eo san-  
guine Christi pretioso redempti, nec est qui  
consoletur eam ex omnibus charis ejus. Hoc  
à dissidiis præmissis obvenit, dum utilitas  
publica cupiditatis ardore consumitur, non  
nullis quærentibus, non quæ Christi, quo-  
rum peccata Deus ultionum Dominus non so-  
lum in ipsis vindicat, sed etiam in progenies  
eorumdem. Tremenda sunt itaque Dei judi-  
cia & timenda, quibus non parentes justitia  
damnabuntur, justus autem de angustia libe-  
rabitur, & cadet impius in laqueum quem  
extendit. Tu vero fili, communiens in tri-  
bus temporibus vitam tuam ordinando præ-  
sentia, rememorando præterita & præviden-  
do futura sic te præpares in præmissis, &  
aliis sic reformes quod ad judicium Dei &  
nostrum ab illo dependens non damnandus  
accedas, sed in præsenti divinam gratiam &  
in futuro salvationis ac retributionis æternæ  
mearis. Datum Laterani nonis Decembris  
Pontificatus nostri Anno septimo.

Ad has atroces litteras respondit Philippus  
breviter & acriter, & præsertim ad contra-  
stam & compendiosam in Bonifacii Bullam  
compendiose quoque regerit fatuos se reputa-  
re & dementes, qui existimant ad se non  
pertinere Beneficiorum dispensationem vacan-  
tiunque redditus non posse retinere. Philippus  
D. G. Francorum Rex Bonifacio se gerenti  
pro summo Pontifice salutem modicam, seu  
nullam. Sciat maxima tua fatuitas in tem-  
poralibus nos alicui non subesse, Ecclesia-  
rum ac Præbendarum vacantium collationes  
ad nos jure Regio pertinere, fructus earum  
nostros facere. Collationes à nobis hasten-  
nus factas & in posterum faciendas fore va-  
lidas in præteritum & futurum, & earum  
possessores contra omnes viriliter nos tueri,  
secus autem credentes fatuos & dementes re-  
putamus.

Datum Parisius.

ANNO  
1303.